

14 Setembru 2021

Bayu-Undan Joint Venture no ANPM Timor-Leste asina MOU Konaba Kaptura no Armazenamentu Karbonu iha Kampu Bayu-Undan

Santos, hanesan operador husi Bayu-Undan Joint Venture, loron ohin anunsia katak kumpania ne'e asina ona Nota de Entendementu (MOU) ho regulador Timor-Leste nian, Autoridade Nacional do Petróleo e Minerais (ANPM) hodi halo progresu ba Kaptura no Armazenamentu Karbonu ou Carbon Capture and Storage (CCS) iha kampu Bayu-Undan lokaliza iha Tasi Timor.

MOU ne'e deskreve detallus sobre areas mak Bayu-Undan Joint Venture no ANPM, ho suporta husi Governu Timor-Leste, sei servisu kolaborativu hodi halo teste viabilidade husi aproveita fila fali facilidade Bayu-Undan mak ejiste ona no uza rezervatoriu Bayu-Undan ba fali CCS wainhira produsaun remata. Ne'e inklui fahe informasaun ba malu sobre asuntu tekniku, operacional no komersiu, avalia enkuandramentu regulatoriu, oportunidade ba kapasidade lokal no estabeselese tempu hodi halo desijaun.

Santos Managing Director no Chief Executive Officer Kevin Gallagher hateten: "Ami fiar katak rezervatoriu no facilidade Bayu-Undan iha potensia hodi sai hanesan líder mundial ba projetu CCS no ami kontente hodi servisu hamutuk ho ANPM no Governu Timor-Leste hodi halo progresu ba oportunidade ida ne'e.

"CCS hetan rekuinesimentu husi International Energy Agency and the Intergovernmental Panel on Climate Change hanesan teknolozia kritiku ida hodi alkansa metas mudial sobre mudansa klimatika. Santos ninia esperensia kompetetivu-mudial ho projetu CCS Moomba iha area rezional parte Sul Australia nian sei lori esperensia inestimável mai projetu ne'e.

"CCS iha Bayu-Undan iha kapasidade potensial hodi rai maizoumenus 10 milhões toneladas CO2 kada tinan no bele hamosu kampu trabalho foun no kria industria hodi jere retornu ba Timor-Leste.

"Ida ne'e iha potensia hodi sai win-win; diak ba meu-ambiente, diak ba industria no loke oportunidade emocionante ba Timor-oan sira, ne'eduni ami hein hodi halo progresu ba MOU ne'e ho parseria hamutuk ho ANPM."

Presidente ANPM Florentino Soares Ferreira dehan: "Ida ne'e hanesan pasu importante ba Timor-Leste. Asinatura MOU ba CCS entre Santos ne'ebe representa ninian konsorsiu iha Bayu-Undan no ANPM prova katak Timor-Leste pro-ativu tebes hodi lidera no integra ninia setor mina no gas liu husi komprimisiu hodi aselera dekarbonizasaun no atinzi ONU ninian net zero iha tinan 2050.

"Mesmu Timor-Leste hanesan pais ki'ik oan no emisaun ki'ik tebbebes iha mundo, no Akordu Paris fo incentivu ou konsesaun ba pais ne'ebe dezenvolve hela no menus desenvolidu sira hanesan Timor-Leste; ami komprende katak negosiu karbonu no kreditu karbonu ninian

Media enquiries

James Murphy
+61 (0) 478 333 974
james.murphy@santos.com

Investor enquiries

Andrew Nairn
+61 8 8116 5314 / +61 (0) 437 166 497
andrew.nairn@santos.com

Santos Limited

ABN 80 007 550 923
GPO Box 2455, Adelaide SA 5001
T +61 8 8116 5000 F +61 8 8116 5131
www.santos.com

merkadu mak parte integradu ida husi ekonomia futuru nian. Ami lakohi lakon oportunidade ida ne'e; no hau fiar katak ida ne'e sei sai hanesan projetu CCS ida bo'ot liu iha hemisfériu Sul. Ne'e sei hamosu oportunidade ida ba Timor-Leste no Australia hodi esplora ninia rekursu mak seidak bo'ok durante ne'e hodi alkansa demande enerjia nomos kompensa emisaun karbonu no halo tranjisaun ba ekonomia ne'ebe neutru karbonu."

Santos iha 43.4% interese operasaun iha Bayu-Undan. Interese restante husi SK E&S (25%), INPEX (11.4%), Eni (11%) no Tokyo Timor Sea Resources (9.2%)

Remata.



This ASX announcement was approved and authorised for release by Kevin Gallagher, Managing Director and Chief Executive Officer.